



ՔԱՂԱՔԱՑԻԱԿԱՆ ԱՎԻԱՑԻԱՅԻ ԿՈՄԻՏԵԻ ՆԱԽԱԳԱՀ

«Զվարթնոց» օդանավակայան, Երևան 0042, ՀՀ, Հեռ.՝ (37410) 28-07-22, էլ. փոստ՝ gdca@gdca.am

N 1.1112, 111210-20

« 13 » 05 2020 թ.

ԻՆՖՈՐՄԱՑԻԱՅԻ ԱԶԱՏՈՒԹՅԱՆ ԿԵՆՏՐՈՆ
ՀԿ ՆԱԽԱԳԱՀ ՇՈՒՇԱՆ ԴՈՅԴՈՅԱՆԻՆ

Հարգելի Շուշան Դոյդոյան,

Ի պատասխան Ձեր 2020 թվականի մայիսի 6-ի № 345-43 հարցմանը՝ ՀՀ քաղաքացիական ավիացիայի կոմիտեի նախագահի աշխատավարձի, պարգևավճարի և մայրության նպաստի չափի վերաբերյալ հայտնում ենք հետևյալը.

ՀՀ Քաղաքացիական ավիացիայի կոմիտեի նախագահի պաշտոնավարման ամբողջ ժամանակահատվածում պարգևատրումների քանակի, պարգևավճարի չափի, աշխատավարձի չափի և ստացած մայրության նպաստի չափի վերաբերյալ պահանջվող տեղեկատվությունը չի կարող տրամադրվել՝ հիմք ընդունելով «Տեղեկատվության ազատության մասին» ՀՀ օրենքի 6-րդ հոդվածի 3-րդ մասը, որը սահմանում է, որ տեղեկատվության ազատությունը կարող է սահմանափակվել Հայաստանի Հանրապետության Սահմանադրությամբ և օրենքով նախատեսված դեպքերում:

ՀՀ աշխատանքային օրենսգրքի 131-րդ հոդվածը սահմանում է, որ աշխատողի անձնական տվյալները աշխատանքային հարաբերությունների հետ կապված և որոշակի աշխատողին վերաբերող՝ գործատուին անհրաժեշտ տեղեկություններն են, ինչպես նաև նույն օրենքի 134-րդ հոդվածի 1-ին մասը սահմանում է, որ աշխատողի անձնական տվյալները փոխանցելիս գործատուն պարտավոր է պահպանել հետևյալ պահանջները՝ աշխատողի անձնական տվյալները չհայտնել երրորդ անձանց՝ առանց աշխատողի գրավոր համաձայնության, բացառությամբ այն դեպքերի, երբ դա անհրաժեշտ է աշխատողի կյանքին և առողջությանը սպառնացող վտանգը կանխելու համար, ինչպես նաև օրենքով նախատեսված այլ դեպքերում:

«Անձնական տվյալների պաշտպանության մասին» ՀՀ օրենքի համաձայն՝ անձնական տվյալը ֆիզիկական անձին վերաբերող ցանկացած տեղեկատվությունն է, որը թույլ է տալիս կամ կարող է թույլ տալ ուղղակի կամ անուղղակի կերպով նույնականացնել անձի ինքնությունը: Նույն օրենքի 16-րդ հոդվածի 2-րդ մասը

